

# Kurhuachaka Achoki

Vol. I



CEDH  
COMISIÓN ESTATAL DE LOS  
DERECHOS HUMANOS  
MICHOCÁN | #Contigo

El Pez y el Achoque



# Kurhuacha ka Achoki

Vol. I

# Kurhuacha ka Achoki

Vol. I

Takukukata tanakuecha: Mítia Cheeti Sesiikuechani K'uiripueri Kuajchaperat'a.

Takukukata Ma: Kurhucha ka Achoki Mítia Cheeti Sesiikuechani K'uiripueri Kuajchaperat'a.

Neenka Uka. ©Urejtsîkukua Iretecheeri Sesiikua K'uiripueri Kuajchaperat'a.

Fernando Motes de Oca miiukua lumu ekuatâa iumu tanimuehu.

Uékumatini isî Chapultepec Norte Michoacani, Mejiku.

ISBN 978-607-59405-5-7

Takukukata uretku Uérakua: 2022.

Úkata Mejiku anapu/ Impreso en México

Autora e ilustradora: Silvia Elena Gómez Mondragón

Traductor: Traducción al Purépecha a cargo de personal del Instituto Nacional de los Pueblos Indígenas.

No usîndi atarakuaerintan i takukukata, jimánku enka jurhamkua karhakata arhijka, nauékasî indeeri p'itákata ambe, etsákukua ambe, uandakua jimbo etsakuni ka mójtakuni ambe ma takukukateri no sesiikua pertarini iméchaní jinkuni nénkaksî uka.




## KUARI

Jijindeska Kuari, nanaka sapichua ma p'urhe uandari enkani uekajka eska tataka sapirhaticha ka nanaka sapirhaticha Michoacani anapuecha mitiakajtsini ka majkueni jimbo niranksî sanhani uni exentaparinijuchari  
SESIIKUA K'UIRIPUERI KUAJCHAJPERAT'A.

Jucheeti jakankuarikua p'urhe jimbo arhikuarisîndi "kuajpiri" ka jaiapanhintasînka isî arhikuarini.

Uekasînka cheeti jinkunikueni ka p'imarhinhini ueenani ma miatskuechani ka uantantskuechani enkari t'u jurhenaaka naniinkari uerhatini jurhanjka, cheeti jankuechani, ka sandero imani ambe parari mitiani cheeti jatsikuarhikeuchani k'urhipueri ka nari uraani ch'anaparini, jimbokani ji isî xesînka e^ska enkari t'u mitiauaka ka jurhenkuarint'i nene^skiksî, iamindu k'urhipu juchaari uiripandani jimbo anapeccha uaatiksî sesi irekani, sesi p'ikuarherapani katsîpiparini.

Jakanhuarhikua UREJTSÎKUKUA INI ECHERIRHU ANAPU SESIIKUA K'UIRIPUERI KUAJCHAJPERAT'A ka KUARI arhisînkaksîni e^skajt'si sesi janonkuanka.



## ACHOKI

Ji, jinde^ska Achoki ma manakuarhiri enkani Patscuarhu ja pondarhijkuni anapueka jimbosi jucheeti jakanhuarhikua arhikuarijt'i p'urhejimbo atsimueri.

Ji manakuarhiri ma e^ska enkani isî jirhejtajk'a e^ska Kurhucheecha anhanchakuarhu jukanchakua isî jimbo xunhupitiini jarati iostiiicha kajucheeti Jakanhuarhikua jurhekuarikueri jidesti "Ambystoma Dumerili" ka iot'ik'i iot'ik'i anapue^ska 370 uani miiukueecha uexurhiniicha, peru iasî k'amakuarhixakaia, cheeti jarhuajperakua uek^sînka ka kuajchajperakua parani no k'amakuarhini.

Nanaka meecha enkaksî tata diosîni jamka uantatsikuahrikuni e enkaksî tankuarhikuarhu tata diosîri ma jimbo jamk'a jarhuajtaxatîtsini itsî jatakua sapirhatiich'a jimbo, paraksî jucha no k'amakuarhini, jimaani ueratinu iumu irepita uexurhini jimbo (2000), ka jima enkaksî jika uaniintaxakaksîka sesich'ijarha^ska.

Ji usînka tsînajpini jimbokani jucheeti itsîmatarakua tsînajpikueri jimbo usînka kentitani jukuani ka nosijirejtakua ampe.


Ji iont'ik'i uexurhiniich'a jimbo k'uirhipu uantskuecheeri jimbo kanksînk'a jucheetiri ambe uantanhanî, ka isî jimbo isî exenhani najkini ambemee jankueri ka jakajkukuecheri juchaari sapichu echeri Michoacani kak'eri echeri Mejiku anapu.



Ji jindee<sup>sk'a</sup> Arameni "Itsiiri Kuari", Kurucha Urhapiti enkani meremerejkuja itsî jimbo. Jatsikuntasti<sup>tsîni</sup> k'eri jurhuati kurucha jimbokani sesi jaxi<sup>sk'a</sup>, usînka ambe ka iamindu iretarhu anapuechan i t'ireraani kajitsipiparini ire<sup>sk'axu</sup>.

Jiani, iaasî miti<sup>spk'a</sup> e<sup>sk'a</sup> ma ambe no sesi jara<sup>spk'a</sup> ka kurhaa<sup>sk'a</sup> jiminiisi<sup>e<sup>sk'a</sup></sup> iamindu uatsapirhatiicha iretarhu anapuecha p'amenchak'ajatakuamajimbo.

¡Jatáktukua! ¡Ambee<sup>sk'i</sup> Jatáktukua!



# TSIMANI





Kurucha p'imiati ma japondarhu anapu tata Jacinto, miti^spti mitikua ióntki anapu ma en uenka sapirhatichani tsinaani ka ji jideespak'a ima tsinajpikua, ka uandajpa^sptirini parani ji uemini itsiirhu.

Cha, Arameni, chatsi uetarhiaka parakajtsi inchamiaka itsiarhu iauani jauamikuarhu ka uandaxini Dumerilini jinkuni, nusesijanharhi enka iauani jauamikuarhu irekak'a.

¡Jiii, No, diosí maiamu, kurhaku^skani ! T'uri miti^ski e^ska ima uaaka uni? Nochk'a ima no hemeenijaxisti, nosesijaxisti, jandiojku jamsindi, turhipitiisti, no, no niuaka arhini.


¡Komarhisinkakini Arameni!, jima jindeesti enka jatarhikuarika tsinajpitarakua enka uaaka tsinaani.

# TANIMU



j ji uanda^skani niuakani! Ka ueenani inchamini,  
iamu pajpakanha^skuarhini. Ji eratsipa^serheenka  
ineneua tanhuarhikua ji imani noesi janharhi  
jinkuni itsûrhu anapu?

j Nosesi jauati!





Ka jima uitsakueecharhu isî,  
jirikuarinitini isî Jarha^spti Dumereli.

-Tata, Achoki, ji jide^ska k'eri Arameni,  
Kurhucha Urhapiti, Kuajpiri ini istîchani  
jimbo, jikini sesi jimbo arhini, ji no  
ueksêrenka jurhani exenhini, ka no  
nema mitiaati, joperu.....  
komarhikuakinisî ma juka arhini.

-¿T'u, k'eri, Jurha^skirini xení?  
Ambekini Juasîni xueesí?  
Kurhamaristi achoki.

- Tataka sapirhatiicha p'amenchasti,  
ambema jatakuasti, ka tata kurhucha  
p'imatichajtsîni ahirhisti e^skari t'uri  
usînka tsînajpikua ma enka kanikua  
tsînajpijka inde p'amenchakua jimbo.






## IUMU


-jlsüisti cha! uandasti achoki, ji usinka tsinajpin, ka no nema mitisti. lamindu jucheeti tsinhajpitarhakeucha cheeti jimbo^sksjarhasti katataka sapirhaticha ireteerijimbo, joperu paraka uakatsinajpini chajtsi uandaaka:

**JUENTSI UENTSI JATATSPIRI, ENHARI KAMAPAKUARHIKUA JIMBO KENDIJK' A!**

Katanimu itsimani itsimatarhakuajimbo mandanijurhia, ka chunhutaramani kamapakuarikuak'erima, Joperu, ini tsinajpitarakeuchanijimbo ueksinha, k'erikomarijpikuama ;llandasti Dumerili!




KUIMU



Ji jindeeska manakuarhiri ma enkani k'amakuarhini jaka ia, uantasti achoki, jimbo itsâ japondarhu anapu iamu nosesi janharhistia ka k'uiripu enka isî uandajka e^skani nosesasî jasî itsûri jatamikuarhu anapue^ska.

Ueksinka e^skari xentajka nani enkachi jucha sesi jauaka, paraksî jucha uaaka uanuka ukuarhintani no uantanhiat'i jimbo ka no k'amakuarhintani.

¡lsûuati! Arhi^skani, ji xentaaka naniinkari t'u sesi irekaak'a, cheenio anapuechanji jinkuni ka t'ueni jarhatiichani jinkuni, cheeti jimboesti.



## IUMU TSIMA

Ji xarhia^ska uemikurhu jamperi, nonemarini xeparhini ka intskuntani itsimakua achokiri tata Jacintuni kurhucha p'imiati. Asî mirhikuari uandani:

**JUENTSI UENTSI JATATSPIRI, ENHARI KAMAPAKUARHIKUA JIMBO KENDIKUIJK'A!**

Ka tanimu itsimani itsimatarhakua jimbo mandani jurhia ka chunhutaramani kamapakuarikua k'eri ma.



Ka tataka sapirhaticha tsinakuarhi^sp'tiksî enkaksî intsinhapk'a itsimakua Dumereliri.



Criadero de  
Achogues

Achokiiri sesiikia Intskunskua jimbo,  
iretarhu ukuarhii^stiksî k'erati itsî  
kurhucha jatacuecha,  
enkanksî k'umanchikua ukuarhiit'ajk'a  
ini manakuarhiriicheeri, k'umanchikua  
ma paraksî sesi jarhani ka uaniintani.

## IUMU T'AMU

Ka ukuarhi^skachi k'eri sesi pajperaticha, Dumereli achoki sesi p'ikuarhera^sp'tia.  
Noteru nemeeri Jirhikuarini ia.

Iretarhu anapu uatsapirhatiicha pauani ka pauanksî janhuarsîndiksî janhanharini ka  
patsani manakuarhiriichani xuesî anapuechan, sanderu achokini enka tsinaak'a.

JUENTSI UENTSI JATATSPIRI, ENHARI KAMAPAKUARHIKUA JIMBO KENDIUKUJK'



# ¿MITIASKIRI EASKA?

Achoki kajucha Jatsî^ska:

SÉSIKUA PARAKSÎ IREKANIA NANIIKAKSÎ SESI P'IKUARHERAAK'A:  
paraksî sesi irekani ka sesijarhani.



SÉSIKUA PARAKSÎ K'UMACHIKUA JATSÎKUARHINI: K'umachikua ma enkaksî sesi p'ikuarheraaak'a.



SÉSIKUA PARAKSÎ SESI P'IKUARHERANI: ka kurhaachanksî, enka jucha uetarhinchaaak'a, e^ska Dumereli.



SÉSIKUA TSIPIKUERI: E^ska no p'ikuarheraaak'a e^ska onhakata, ka isî najki nema kuachakunijaki.

SÉSIKUA MAJKUENI P'IKUARHENARI E^SKA IÁMINDUECHA: Nauuejkini nochí majkueni jaxiaka, materu jasî uandani, menderuani jasî tata diosîchani jatsiani, materunai jaxini o noksî ambe majatsikuarhini, iamindueechaksî makueni^ska.



CEDH  
COMISIÓN ESTATAL DE LOS  
DERECHOS HUMANOS  
MICHOACÁN

#Contigo

